

Sanglinz: Siujhagseng Byauhcuinj Vahcuengh Gangj Gojgaeq Doxdax Ndeiyawj Raixcaix

上林：小学生讲标准壮语故事比赛精彩纷呈

Bineix youq ngoenzciet “sam nyied sam” Bouxcuengh yaek daeuj daengz seizde, Sanglinz Yen Dangzhungz Yangh Cunghsinh Siujyoz youq 4 nyied 17 hauh banhaet, youq Sizmwanz Siujyoz gawjbanh 2015 nienz “sam nyied sam” siujhagseng byauhcuinj Vahcuengh gangj goj-gaeq doxdax. Gawjbanh mbat hozdung neix dwg vihliux angqhoh ngoenzciet “sam nyied sam” Bouxcuengh raeuz, fungfouq gij hagsib swnghhoz ndaw hagdangz Cuengh Gun song vahsaw, gikfat hagseng caengaenh vahcoj, ce goek Bouxcuengh, maij doegsaw, angq doegsaw, dajcauh heiqaenh ndei song sawvah sonhag, hawj hagseng Bouxcuengh daezhawj aen ciengz-dieg baijok bonjsaeh swhgeij ndeu, coicaenh gij

hong Cuengh Gun song sawvah sonhag fazcanj.

Sizmwanz Siujyoz dwg aen hagdangz son Cuengh Gun song sawvah ceiq ak ndeu. Lai bi daeuj, hagseng aen hagdangz neix camgya Sawcuengh gak cungj doxdax cungj aeundaej cingzcek maenhndei.

Youq mwh doxdax, gyoengq boux senjsouj yungh sim gangjoj, yungh byauhcuinj Vahcuengh go Bouxcuengh hawj vunz lai gangj le gij gojgaeq Bouxcuengh gamjdoengh vunz haenx, ndaej daengz daihgya maengxangq bekfwngz haenhndei. Baez doxdax neix gungh bingz ok caet boux itdaengj ciengj, caet boux ngeihdaengj ciengj, gouj boux samdaengj ciengj.

(Fanz Gvanghminj/樊光敏)



▲ Hagseng gangj gojgaeq doxdax yienhciegz.



▲ Boux aeundaej itdaengj ciengj Fanz Liyingz doengzhag youq gwnz-daiz gangj gojgaeq.



▲ Lanz Swjsiengz doengzhag youq gwnzdaiz gangj gojgaeq 《Hag Gaeqmeh Okgyaeq》.

◀ Gyoengq boux hagseng ndaej ciengj haenx angqvauvau caeuq lauxsae hab'ing louzniemh.

Bahmaj: “Hengz Dwz Guh Ndei” Yenjgyangj Doxdax Ndeiyawj Dangqmaz

巴马：“崇德向善”演讲比赛精彩纷呈

Youq seiz “hajseiq” ciet bouxcoz yaek daengz gaxgonq, 4 nyied 24 hauh gyanghaet, ndaw hagdangz Bahmaj Daih'it Siujyoz nauhyied dangqmaz, ngoenzde, Bahmaj Yauzcuz Swciyen Yenveij Senhconzbu, yen dungjcanbu, yen cingsaenz vwnzmingzban caeuq yen gyauyuzgiz daengj danhvei youq ndaw aen hagdangz neix gawjbanh cungh siujyoz hagseng doxdax yenjgyangj, gangj gojgaeq hozdung, doxdax yenjgyangj aeu “haenqrengz doxhwnj, hengz dwz guh ndei” guh cawjdaez. Baez doxdax neix faen cunghyozcuj caeuq siujyozcuj, moix cuj 15 boux hagseng, cunghyozcuj guh doxdax

yenjgyangj, siujyozcuj guh doxdax gangj gojgaeq. Gyoengq senjsouj gak boux gag yienj bonjsaeh, bouboux bak raeuz sing seuq, sim'angq naj riu, cekgangj gij cungyausing hengz dwz guh ndei haenx, sawj gyoengq bouxdingq cingsaenz hoenghwnj, haengj riengz hagguh, sawj dauwz yisiz gyoengq bouxcoz caeuq lwgnyez ndaej demgiengz. Ginggaugvaz haenqrengz doxdax, doeklaeng, Vanz Swhyenz caeuq Cwng Cauzvwnz song boux doengzhag faenbied aeundaej cunghyozcuj caeuq siujyozcuj daih'it mingz.

(Moz Sangvwnz/莫尚文)



▲ Boux aeundaej siujyozcuj itdaengj ciengj Cwng Cauzvwnz doengzhag youq gwnzdaiz gangj gojgaeq.



▲ Boux aeundaej cunghyozcuj itdaengj ciengj Vanz Swhyenz doengzhag youq gwnzdaiz gangj ndaej sengdoengh raixcaix.



▲ Hagseng yenjgyangj doxdax yienhciegz.